



Phumele wa Nhenakazi

Zandile Malaza

Simon Mokoena





Phumelele a ri xinhwanyetana lexi humaka
endyangwini wa vusweti.

A a tshama ni vandyangu wa yena emugangeni
lowu a wu vuriwa Celani.

A ku ri na patu rin'we ntsena ro nghena no
huma eCelani.



Etlhelo ka patu ra muganga a ku ri na murhi.

A ku tshama nyoka leyikulu eka wona.


Vanhu a va hundza hi kona loko va ya etliliniki,
eswitolo kumbe exikolweni.



Loko nyoka yi twa swingingi, ayi wela egondzweni.

Nyoka leyi a yi endla leswaku switikela vanhu ku hundza.

Vaakatiko va ringetile ku yi khoma, kambe va tsandzekile.



Ku hava loyi a nga kota ku khoma nyoka leyi.

Kutani, hosi yi tshembisile vaakatiko leswaku loyi anga ta khoma nyoka, uta hakeriwa.

A ku pfumeleriwa vavanuna ntsena ku nghenela mphikizano lowu.




Vavanuna lavakulu ni lavatsongo, va ringetile ku khoma nyoka kambe va tsandzekile.

Va ringetile hambu ku tirha hi mitlawa.

Hambiswiritano, nyoka a va yi khomangi.

A swi ri nghozi ku nghena no huma emugangeni.



Phumelele u yile ehosini a ku, “Ndzi pfumeleli ndzi nghenela mphikizano.”

Vanhu va n’wi hleka hikuva a ri wansati. Va ku, “Loyi u na misavu.”

Hosi yi ehleketa hi xikombelo xa phumelele.



Ekuheteleleni, hosi yi tibyela, “Vavanuna va muganga va tsandzekile ku khoma nyoka. A swi onhi nchumu ku n’wi nyika nkarhi.”

U nyikile Phumelele nkarhi kambe a a nga tshembi leswaku a nga swi kota hikuva vavanuna va tsandzekile.



Phumelele a ri na kungu ra vutlhari.

U lukile basikiti leyikulu, a hoxa tintambhu to koka leswaku basikiti yi ta kota ku pfaleka.

A rhwala basikiti enhlokweni a kongoma exihlahleni.



Tanihi ntolovelo, nyoka yi twile swingingi. Yi tilulamisela ku chika yi pfala ndlela.

Phumelele na yena a langutele swona!

“Namunthla i sikunene,” a ehleketa a ri karhi a kongoma exihlahleni.



Loko nyoka yi wa kusuka emurhini yi wela endzeni ka basikiti yo lukiwa.


Phumelele a hatla a koka ntambhu ku pfala basikiti. Nyoka yi pfaleleka endzeni.



Phumelele a rhwala basikiti na nyoka a kongoma emugangeni.

Vanhu hinkwavo va hoyozela loko a nghena hi gede ya le hosini.

“Phumelele u tlharihile na swona u na xivindzi. Hosi yi fanele ku hetisisa xitshembiso xa yona,” ku vula vanhu.



Hosi yi hakela Phumelele hi ndhawu leyikulu na xivala xi tele hi tihomu.

U vile murhangeri eka ndhawu yoleyo. Vanhu a va ya eka yena va ya kuma swiletelo.

Nyoka yi yisiwile endhawini ya vuhlayiselo bya tinyoka kutani vaakatiko va kota ku fambafamba va tshunxekile.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Phumele wa Nhenakazi

Author/s: Zandile Malaza

Translator/s: Bongani Maluleke

Illustrator/s: Simon Mokoena


Assurer/s: Arnold Mushwana, Bongani Maluleke

Language: Xitsonga



© Zenex Foundation - Saide 2023

CC BY includes the following elements:

BY  - Credit must be given to the creator

